

Ráiteas Scoil Sailearna maidir le Cumhdach Leanaí

Is bunscoil í Scoil Sailearna a chuireann oideachas bunscoile ar fáil do dhaltaí ó Naíonáin Shóisearacha go dtí an Séú Rang.

De réir na gceanglas san Acht um Thús Áite do Leanaí 2015, Tús Áite do Leanaí: Treoir Náisiúnta 2017, na *Nósanna Imeachta um Chosaint Leanaí do Bhunscoileanna agus Iar-bhunscoileanna 2017*, agus Treoir Thusla maidir le Ráitis maidir le Cumhdach Leanaí a Chur le Chéile, tá toilithe ag Bord Bainistíochta Scoil Sailearna leis an Ráiteas maidir le Cumhdach Leanaí atá leagtha amach sa cháipéis seo.

- 1 Tá glactha ag an mBord Bainistíochta le *Nósanna Imeachta um Chosaint Leanaí do Bhunscoileanna agus Iar-bhunscoileanna 2017* na Roinne agus déanfar iad a chur i bhfeidhm go hiomlán, gan athrú gan leasú mar chuid den Ráiteas foriomlán seo maidir le Cumhdach Leanaí.
- 2 Is é an Duine Idirchaidrimh Ainmnithe (DIA) ná Caitríona Ní Fhiannachta.
- 3 Is é an Leas-Duine Idirchaidrimh Ainmnithe (LDIA) ná Traolach Ó Conghaile
- 4 Aithníonn an Bord Bainistíochta Scoil Shailearna go bhfuil cúrsaí cosanta agus leasa leanaí fite fuaite le gach gné de shaol na scoile agus nach mór é sin a léiriú i ngach ceann de bheartais, nósanna imeachta, cleachtais agus gníomhaíochtaí na scoile. I ndáil lena beartais, nósanna imeachta, cleachtais agus gníomhaíochtaí, cloífidh an scoil leis na prionsabail seo a leanas den dea-chleachtas maidir le cosaint leanaí agus leas leanaí:

Déanfaidh an scoil:

- glacadh leis go bhfuil fíorthábhacht le cosaint leanaí agus leas leanaí, gan bheann ar aon cheist eile;
- comhoibriú go hiomlán leis na hoibleagáidí reachtúla faoin Acht um Thús Áite do Leanaí 2015 agus le reachtaíocht eile a bhaineann le cosaint agus leas leanaí;
- comhoibriú go hiomlán leis na húdaráis reachtúla cuí maidir le cosaint agus leas leanaí;
- gnásanna sábháilte a ghlacadh chuici féin d'fhonn an dóigh go mbainfeadh díobháil nó tionóisc do leanbh a mhaolú oiread agus is féidir agus an lucht oibre a chosaint ó chall dul sa mbaol go gcuirfí drochúsáid nó faillí ina leith;
- gnás ionracais le tuismitheoirí a thabhairt chun cinn agus iad a spreagadh le bheith rannpháirteach in oideachas a gcuid leanaí; agus
- meas iomlán a léiriú ar riachtanais rúndachta agus í ag déileáil le cúrsaí cosanta leanaí.

Cloífidh an scoil leis na prionsabail thuas freisin i ndáil le haon dalta fásta lena mbaineann soghontacht speisialta.

- 5 Tá na nósanna imeachta/bearta seo a leanas ar bun:
 - I gcas baill ar bith den fhoireann is ábhar d'iniúchadh ar bith (cibé caoi a thuairiscítear é) i leith aon ghnímh, neamhghnímh nó cúinse i leith linbh atá ag freastal ar an scoil, cloíonn an scoil leis na nósanna imeachta cuí atá leagtha amach i gCaibidil 7 de na *Nósanna Imeachta um Chosaint Leanaí do Bhunscoileanna agus Iar-bhunscoileanna 2017* agus leis na nósanna imeachta ábhartha araíonachta do bhaill foirne scoile atá foilsithe ar shuíomh idirlín na Roinne.
 - Maidir le roghnú agus earcú ball foirne agus lena n-oiriúnacht chun oibriú le leanaí, cloíonn an scoil le riachtanais reachtúla grinnfhiosrúcháin na nAchtanna um an mBiúró Náisiúnta Grinnfhiosrúcháin (Leanaí agus Daoine Soghonta), 2012 go 2016 agus leis an treoir leathan maidir leis an dualgas cúraim atá leagtha insna ciorcláin ábhartha de chuid an Gharda a bhaineann le grinnfhiosrúchán agus earcaíocht agus atá arna bhfoilsíú ag an ROE agus le fáil ar shuíomh idirlín na ROE.

- Maidir le soláthar an eolais agus, áit is gá, an teagaisc agus na hoiliúna do lucht foirne chun a shonrú go bhfuil an díobháil (mar a shainmhínítear í in Acht 2015) tarlaithe rinne an scoil na nithe seo a leanas -
 - Cóip de Ráiteas na scoile maidir le Cumhdach Leanaí a chur ar fáil do gach ball den fhoireann
 - A chinntiú go gcuirfear cóip de Ráiteas na scoile maidir le Cumhdach Leanaí ar fáil do gach ball nua den fhoireann
 - Lucht foirne a spreagadh chun leas a bhaint as oiliúint chuí
 - Comhaltaí den Bhord Bainistíochta a spreagadh chun leas a bhaint as oiliúint chuí
 - Coimeádann an Bord Bainistíochta taifid de gach oiliúint a chuirtear ar lucht foirne agus ar chomhaltaí den Bhord
- Maidir le hábhair imní i dtaobh na cosanta leanaí a thuairisciú do Thusla, ní mór do gach ball foirne cloí leis na nósanna imeachta atá leagtha amach insna *Nósanna Imeachta um Chosaint Leanaí do Bhunscoileanna agus Iar-bhunscoileanna 2017* ar a n-áirítear, i gcás múinteoirí cláraithe, iad siúd a bhaineann le tuairisciú sainordaithe faoin Acht um Thús Áite do Leanaí 2015.
- Sa scoil seo tá an DIA thuasluaite ceaptha ag an mBord mar an “duine cuí” (mar a shainmhínítear sin san Acht um Thús Áite do Leanaí 2015) chun bheith mar an gcéad pointe teagmhála i leith an Ráitis maidir le Cumhdach Leanaí.
- Daoine sainordaithe is ea gach múinteoir cláraithe arna fhostú ag an scoil faoin Acht um Thús Áite do Leanaí 2015.
- De réir an Achta um Thús Áite do Leanaí 2015, tá measúnacht curtha i gcrích ag an mBord maidir leis an mbaol go mbainfeadh díobháil fhéideartha ar bith do leanbh a bheadh ag freastal ar an scoil nó ag glacadh páirte i ngníomhaíochtaí scoile. Tá measúnacht scríofa leis seo ina leagtar amach na réimsí riosca a sonraíodh agus nósanna imeachta na scoile chun na rioscaí sin a bhainistiú mar aguisín leis na nósanna imeachta seo.
- Is féidir rochtain ar na nósanna imeachta éagsúla dá dtagraítear sa Ráiteas seo trí shuíomh idirlín na scoile, nó trí shuíomh idirlín na ROE nó cuirfidh an scoil ar fáil iad ach iad a iarraidh.

Nóta: Níl sé i gceist go mbeadh an liosta thuas ina liosta uileghabhálach. Cuirfidh Boird Bhainistíochta ar leith san áireamh sa rannán seo cibé nósanna imeachta/bearta eile atá ábhartha don scoil i gceist.

- 6 Tá an ráiteas seo foilsithe ar shuíomh idirlín na scoile agus tá sé tugtha do gach ball de lucht foirne na scoile, do Chumann na dTuismitheoirí (más ann dó) agus don phátrún. Tá sé ar fáil go héasca do thuismitheoirí agus caomhnóirí ach é a iarraidh. Cuirfear cóip den Ráiteas seo ar fáil do Thusla agus don Roinn ach ceann a iarraidh.
- 7 Athbhreithneofar an Ráiteas seo maidir le Cumhdach Leanaí gach bliain nó a luaithe is indéanta tar éis d'athrú ábhartha bheith déanta maidir le haon ní dá dtagraíonn an ráiteas seo.

Ghlac an Bord Bainistíochta leis an Ráiteas seo maidir le Cumhdach Leanaí _____[dáta].

Sínithe: _____

Sínithe: _____

Cathaoirleach an Bhoird Bhainistíochta

Príomhoide/Rúnaí ag an mBord Bainistíochta

Dáta: _____

Dáta: _____

Measúnacht Riosca Scoil Sailearna maidir le Cumhdach Leanaí

De réir alt 11 den Acht um Thús Áite do Leanaí 2015 agus an cheanglais i gCaibidil 8 de na *Nósanna Imeachta um Chosaint Leanaí do Bhunscoileanna agus Iar-bhunscoileanna 2017*, is mar seo a leanas an Mheasúnacht Riosca Scríofa Scoil Sailearna.

1. Liosta de ghníomhaíochtaí na scoile

- Teacht agus imeacht na nDaltaí gach lá
 - Oiliúint na Foirne i gcúrsaí Cosanta Leanaí
 - Múineadh Duine le Duine
 - Cúram Leanaí le Riachtanais Speisialta
 - Timpeallacht Leithris
 - Soláthar an Churaclaim OSPS, OCG, Bí Sábháilte
 - Earcú Foirne: Múinteoirí, CRSanna, feighlí, rúnaí, glantóirí, cóitseálaithe, teagascóirí seachtracha, aoichainteoirí, tuismitheoirí, caomhnóirí, oibrithe deonacha, cuairteoirí, conraitheoirí &rl.
 - Ag bainistiú iompar dúshlanach
 - Cóitseálaithe Spóirt / Teagascóirí seachtracha / oibrithe deonacha
 - Daltaí ar thaithí oibre, ábhar múinteoirí ar shocrúchán scoile.
 - Úsáid na teicneolaíochta faisnéise & cumarsáide, físeain, grianghrafanna, meáin eile
 - Teacht & Imeacht na nDaltaí gach lá
 - Am Sosa & Am Lóin Mhóir
 - Múineadh sa Seomra Ranga
 - Gníomhaíochtaí múinte taobh amuigh
 - Gníomhaíochta Spóirt
 - Lá Spóirt
 - Traenáil
 - Ranganna Snámha
 - Turais Scoile / Socraithe don taisteal scoile & tionlacan
 - Ócáidí tiomsaithe airgid
 - Úsáid áiseanna taobh amuigh den scoil
 - Cúram daltaí soghonta nó le riachtanais shainiúla
 - Dáileadh garchabhrach / dáileadh cógais
 - Bulaíocht a chosc & déileáil le eachtraí bulaíochta
 - Úsáid Foirne taobh amuigh den scoil leis an gcuraclam a fhorlíonadh
 - Úsáid Foirne taobh amuigh den scoil le gníomhaíochtaí seach-churaclaim
 - Rannpháirtíocht i searmanais reiligiúnda
 - Eagraíochtaí ag úsáid na scoile tar éis am scoile
 - Club Obair Baile
 - Comhairliú Duine – le Duine
 - Cruinniú leis an bPríomhoide
 - Daltaí le LADT nó daltaí a bhraitear a bheith LADT
- Ní liosta uileghabhálach é seo

2. Tá na rioscaí díobhála seo a leanas sonraithe ag an scoil i leith a cuid gníomhaíochtaí –

Tá an riosca ann:

- nach n-aithneofar díobháil
- nach ndéanfar tuairisciú ar an díobháil in am
- nach leanfar na nósanna imeachta cearta i leith tuairiscithe
- go ndéanfadh pearsanra na scoile díobháil
- go mbeadh iompar míchuí i gceist
- nach múinfear na cláracha OSPS, OCG, Bí Sábháilte i gceart
- go mbeadh bulaíocht ar siúl
- Go ngortófaí daltaí
- Go ngortófaí baill foirne
- Go dtarlódh díobháil do dhaltaí
- Go ndéanfadh dalta díobháil do dhalta eile
- Ní liosta uileghabhálach é seo

3. Tá na nósanna imeachta seo a leanas ar bun ag an scoil chun aghaidh a thabhairt ar na rioscaí díobhála atá sonraithe sa mheasúnacht seo -

- Ráiteas Cumhdach Leanaí ar fáil don fhoireann ar fad.
- Nósanna Imeachta Cosaint Leanaí na Roinne Oideachais & Scileanna do Bhunscoileanna agus d'Iarbhunscoileanna ar fáil don fhoireann ar fad.
- An Duine Idirchaidrimh Ainmnithe (DIA) agus an Leas-Duine (LDIA) Idir Chaidrimh Ainmnithe le freastal ar seimineár traenála.
- An Fhoireann ar fad tar éis breathnú ar Sheimineár Traenála ar-líne an PDST.
- An Fhoireann ar fad tar éis breathnú ar Sheimineár Traenála ar-líne Tusla.
- Coinneoidh an Bord Bainistíochta taifead ar aon oiliúint i gCumhdach Leanaí a gheobhas an fhoireann nó an Bord.
- Polasaí i bhfeidhm ag an bhfoireann re. múineadh duine le duine.
- Polasaí i bhfeidhm maidir le úsáid na leithris.
- Polasaí i bhfeidhm maidir le maoirseacht.
- Cláracha OSPA, OCG agus Bí Sábháilte á gcur i bhfeidhm go hiomlán.
- Polasaí Frith-bhulaíochta i bhfeidhm
- Cód Iompair i bhfeidhm
- Polasaí Sláinte & Sábháilteachta le uasdátú
- Polasaí & nósanna imeachta i bhfeidhm maidir le cóitseálaithe, múinteoirí, oiliúnóirí seachtracha, cuairteoirí etc. chun na scoile.
- Nósanna imeachta maidir le grinn-fhiosrúcháin na nGardaí.
- Polasaí TFC (Teicneolaíocht Faisnéise & Cumarsáide)
- Polasaithe agus nósanna imeachta i bhfeidhm
- An fhoireann uilig ar an eolas faoi pholasaithe agus nósanna
- Ní liosta uileghabhálach é seo

Nóta Tábhachtach: Is ceart a thabhairt faoi deara gurb é atá i gceist le baol i gcomhthéacs na measúnachta riosca seo ná an riosca “díobhála” mar a shainmhínítear é san Acht um Thús Áite do Leanaí 2015 agus nach é an riosca ginearálta i leith sláinte agus sábháilteachta atá i gceist. Leagtar amach an tsainmhíniú ar an “díobháil” i gCaibidil 4 de na *Nósanna Imeachta um Chosaint Leanaí do Bhunscoileanna agus Iar-bhunscoileanna 2017*.

Agus é ag tabhairt faoin measúnacht riosca seo, tá gach dícheall déanta ag an mBord Bainistíochta chun a shonrú sa mhéid gur féidir é na rioscaí díobhála atá ábhartha don scoil agus chun a chinntiú go mbíonn nósanna imeachta leordhóthanacha ar bun chun gach riosca atá sonraithe a bhainistiú. Cé nach féidir gach riosca díobhála a thuar agus a bhaint, tá na nósanna imeachta atá liostaithe sa mheasúnacht riosca seo ar bun ag an scoil chun na rioscaí

a bhainistiú agus a mhaolú sa mhéid gur féidir é.

Chuir an Bord Bainistíochta an mheasúnacht riosca seo i gcrích ar [dáta].
Athbhreithneofar é mar chuid den athbhreithniú bliantúil ar Ráiteas na Scoile maidir le Cumhdach Leanai.

Sínithe_____Dáta _____

Cathaoirleach, An Bord Bainistíochta

Sínithe_____Dáta _____

Príomhoide/Rúnaí ag an mBord Bainistíochta

